

Lög um verðtryggingu fjárskuldbindinga, undirskrifuð af forsetanum 6. maí 1966 nr. 71.

Lög um atvinnuréttindi vélstjóra á islenzkum skipum, undirskrifuð af forsetanum 13. maí 1966, nr. 72.

Lög um breyting á lögum nr. 42 4. apríl 1956, um skipulag á fólksflutningum með bifreiðum, undirskrifuð af forsetanum 13. maí 1966, nr. 73.

Lög um heimild fyrir ríkisstjórnina til að gerast aðili að alþjóðasamningi um lausn fjárfestingardeilna milli ríkja og þegna annarra ríkja, undirskrifuð af forsetanum 13. maí 1966, nr. 74.

Lög um fiskveiðasjóð Íslands, undirskrifuð af forsetanum 13. maí 1966, nr. 75.

Lög um lagagildi samnings milli ríkisstjórnar Íslands og Swiss Aluminium Ltd., um álbræðslu við Straumsvík, undirskrifuð af forsetanum 13. maí 1966, nr. 76.

Lög um heimild fyrir ríkisstjórnina til þess að staðfesta fyrir Íslands hönd breytingar frá 1962 á alþjóðasamþykkt frá 12. maí 1954, um varnir gegn óhreinkun sjávar af völdum olíu, og setja reglur um frekari varnir gegn slíkri óhreinkun sjávarins, undirskrifuð af forsetanum 10. maí 1966, nr. 77.

Lög um aðstoð við vangefið fólk og samtök hjarta- og æðaverndarféлага, undirskrifuð af forsetanum 1. júlí 1966, nr. 78.

Bráðabirgðalög um lausn deilu framreiðslumanna og veitingamanna, undirskrifuð af forsetanum 15. júlí 1966, nr. 79.

Lög um kísilgúrverksmiðju við Mývatn, undirskrifuð af forsetanum 15. ágúst 1966, nr. 80.

Bráðabirgðalög um breyting á lögum nr. 53 1966, um vernd barna og ungmenna, undirskrifuð af forsetanum 4. ágúst 1966, nr. 81.

Auðlýsing um staðfesting forseta Íslands á breytingu á reglugerð nr. 76/1958 fyrir Háskóla Íslands með áorðinni breytingu samkv. reglugerð nr. 81/1965, undirskrifuð af menntamálaráðherra 7. júní 1966, nr. 82.

Lög um skipulag á fólksflutningum með bifreiðum, undirskrifuð af forsetanum 15. ágúst 1966, nr. 83.

Lög um stýrimannaskólann í Reykjavík, undirskrifuð af forsetanum 15. ágúst 1966, nr. 84.

Bráðabirgðalög um heimild fyrir ríkisstjórnina til að ábyrgjast lán til kaupa á sildarflutningaskipi o. fl., undirskrifuð af forsetanum 14. maí 1966, nr. 85.

Nr. 204.

8. nóvember 1966.

AUGLÝSING

um tilkynningar og skrásetningu trúfélags.

1. gr.

Þjóðskráin skráir trúfélag hvers einstaklings, sem er á íbúaskrá hér á landi, ef hann er í þjóðkirkjusöfnuði eða telst til utanþjóðkirkjusafnaðar, er hefur lögðiltan prest eða forstöðumann. Um aðra einstaklinga skráir þjóðskráin, hvort þeir eru í öðru trúfélagi en hinum nefndu, eða utan trúfélaga.

2. gr.

Gjöld á lögð samkvæmt lögum nr. 36/1948, um sóknargjöld, með síðari breytingum, fylgja lögheimili og trúfélagsaðild samkvæmt íbúaskrá næstliðins 1. desember, sbr. 17. gr. laga nr. 54/1962, um þjóðskrá og almannaskráningu.

3. gr.

Hver sá, sem vill láta breyta trúfélagskráningu sinni á íbúaskrá, lætur í té tilkynningu um þá ákvörðun á þar til gerðu eyðublaði, út gefnu af Þjóðskránni. Tilkynning þessi skal vera í tvíriti og hún afhendist lögreglustjóra þess umdæmis þar sem hlutaðeigandi er heimilisfastur — í Reykjavík skal hún þó afhent Manntals-skrifstofunni. — Hver einstaklingur, sem náð hefur 16 ára aldri, undirritar sjálfur tilkynningu þessa, en forráðamaður barns innan 16 ára aldurs undirritar hana fyrir það. Hvort hjóna sem er má undirrita tilkynningu fyrir maka og börn yngri en 16 ára, enda er þá hlutaðeigandi ábyrgur fyrir því, að hún sé rétt að því er varðar trúfélag maka og barna.

Tilkynning um breytingu trúfélagsaðildar kemur til framkvæmda við álagningu sóknargjalds árið eftir að hún er látin í té, en þó því aðeins, að hún sé afhent réttum aðila (sbr. fyrri málsgr. þessarar gr.) fyrir 1. desember á því ári, sem hún er látin í té.

4. gr.

Utanþjóðkirkjusöfnuðir, er hafa löggiltan prest eða forstöðumann, eru nú þessir:

- a. Fríkirkjusöfnuðurinn í Reykjavík. Starfssvæði hans er Reykjavík, Kópavogur og Seltjarnarneshreppur.
- b. Óháði frikirkjusöfnuðurinn. Starfssvæði hans er Reykjavík, Kópavogur og Seltjarnarneshreppur.
- c. Fríkirkjusöfnuðurinn í Hafnarfirði. Starfssvæði hans er Hafnarfjörður, Garðahreppur og Bessastaðahreppur.
- d. Rómversk-kaþólskir.
- e. Sjöunda dags aðventistar.
- f. Sjónarhæðarsöfnuður.
- g. Hvítasunnnumenn.
- h. Baháitrúarbrögðin.

Enginn getur í þjóðskrá talizt til safnaða, er um ræðir í staflidum a—c, nema lögheimili hans samkvæmt þjóðskrá sé í sveitarfélagi á starfssvæði viðkomandi safnaðar.

5. gr.

Nú flytur einstaklingur, sem samkvæmt þjóðskrá er í evangelísk-lútherskum utanþjóðkirkjusöfnuði (sbr. staflíði a—c í 4. gr.), lögheimili sitt í sveitarfélag utan starfssvæðis hans, og breytir þjóðskráin þá trúfélagskráningu hlutaðeiganda þannig, að hann á næstu íbúaskrá sé talinn vera í þjóðkirkjusöfnuði.

Breyting sú á trúfélagskráningu, er um ræðir í fyrri málsgr. þessarar gr., kemur ekki til framkvæmda, ef hlutaðeigandi tilkynnir aðra trúfélagsaðild, í samræmi við ákvæði 3. og 4. gr.

6. gr.

Nú flytur einstaklingur með breytta trúfélagskráningu samkvæmt fyrri málsgr. 5. gr. lögheimili sitt aftur til sveitarfélaga á starfssvæði þess trúfélags, sem hann var í áður en hann flutti þaðan, og verður trúfélagskráningu hans þá ekki breytt til fyrra horfs, nema hann með tilkynningu óski breytingar í samræmi við ákvæði 3. gr.

7. gr.

Hver sá, sem kemur erlendis frá og tilkynningarskyldur er hér á landi samkvæmt 1. málsgr. 5. gr. laga nr. 73/1952, um tilkynningar aðsetursskipta, ritar á aðseturstilkynningu sína, í hvaða trúfélagi hann sé, eða ef svo ber undir, að hann sé utan trúfélaga, og skráir þjóðskráin trúfélagsaðild hans samkvæmt því.

8. gr.

Trúfélagsskráning nýfædds barns fylgir trúfélagsaðild móður samkvæmt þjóðskrá, nema annað sé tilkynnt í samræmi við ákvæði 3. gr. Auk foreldra getur sóknarprestur, eða löggildur prestur eða forstöðumaður utanþjóðkirkjusafnaðar, látið slíka tilkynningu í té, samkvæmt skriflegu eða munnlegu umboði foreldra.

Trúfélagsskráning barns, yngra en 16 ára, sem flytzt hingað til lands frá út-löndum, fylgir trúfélagsaðild móður, ef annað er ekki upplýst.

9. gr.

Auglýsing þessi er gefin út í samráði við kirkjumálaráðuneytið.

Fjármálaráðherrann, 8. nóvember 1966.

Magnús Jónsson.

Klemens Tryggvason.

REGLUGERÐ

um breytingu á reglugerð nr. 44 8. marz 1965, um þjóðvegi í kaupstöðum og kauptúnum.

1. gr.

Í upptalningu þjóðvega í 1. gr. reglugerðarinnar skulu þjóðvegir í Kópavogi og Suðureyri teljast:

Kópvogur:

Hafnarfjarðarvegur frá Fossvogslæk að Hlíðarvegi.

Suðureyri:

Súgandafjarðarvegur frá Höfða innan við syðsta hús um Aðalgötu út á móts við læk, sem rennur utan til við yzta hús kaupsinsins á svokölluðu Stekkjarnesi.

Reglugerð þessi, sem sett er samkvæmt vegalögum, nr. 71 30. desember 1963, öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 16. september 1966.

Ingólfur Jónsson.

Gunnar Vagnsson.

SAMÞYKKT

um afgreiðslutíma verzlana á Akranesi.

1. gr.

Samþykktin nær til hvers konar smásöluverzlana á Akranesi, þ. á m. söluturna, svo og einnig til brauð- og mjólkurbúða

Undanþegnar ákvæðum samþykktarinnar eru þó lyfjabúðir, bifreiðastöðvar og benzínafgreiðslur.